

庶物類纂

穀屬
自十三至十四

容



太政官文庫			
和書門	特別	第一二三四五六	第七
函	架	第五十四番	冊
四	六	五	冊

內閣文庫	
番號	和 32362
冊數	465 (221)
函號	特 54 1

四十三ノ内

共三十





庶物類纂穀屬卷之十三目次
黍

庶物類纂

卷之十三

穀屬目次

黍

黍

秬黑黍

爾雅

詩曰維秬維秠

爾雅

郭璞注

秠一稔二米

爾雅

此

亦黑黍但中米異耳漢和帝時任城生黑黍或三四

實實二米得黍三斛八斗是

爾雅

郭璞注

凡黍為酒陽據陰力能動故以麴釀黍為酒

詩紀

曆樞

度量權衡以黍生之為一分十分為一寸十寸為一

尺十尺為一丈十六黍為一足六足為一銖二十四

銖為一兩十六兩為一斤三十斤為一鈞四鈞重一

石千二百黍為一龠十龠為一合十合為一升十升

為一斗十斗為一石漢劉向說苑

稻之黏者為黍亦謂稌為黍晉崔豹中華古今注

禾之黏者為黍亦謂之稌亦曰黃黍同上

九穀黍稷稻粱三豆二麥同上

黍有燕領之民又有驢皮黍又曰牛黍南尾黍成赤

黍馬革大黑黍或云秬黍有温屯黃黍晉郭義恭廣志

機謹按民當作名

黍稌爾雅曰秬黑黍秠一秠二米郭璞注云秠亦黑

黍但中米異耳孔子曰黍可以為酒廣志云有牛黍有稻尾黍秀成赤黍有馬革大黑黍有秬黍有濕屯黃黍有田黍云鶯鶻之名黍有赤白黑青黃

鶯鶻凡五種按今俗有鶯黍白黍半夏黍凡黍有驢反稌崔寔曰黍之稌熟者一名稌也

稌曰新開荒為上大豆底為次穀底為下地必欲熟

再轉乃佳若春夏耕一畝用子四升三月上旬種者為上時四月上旬為中時五月上旬為下時夏種黍

稌與植穀同時非夏者大率以耨赤為候諺曰耨厘

燥濕候黃場始章種訖不曳耨常記十月十一月十

二月凍樹日種之萬不失一凍樹者疑霜封著木條

以月三日種黍他皆倣此十月凍樹宜早黍十一月

凍樹宜中黍十二月凍樹宜晚黍若從十月至正月

皆凍樹者早苗生隴平即宜耜勞鋤三遍乃止鋒而

不耩苗晚耩即刈糝欲早刈糝晚多零落皆

即濕踐之糝踐訖即蒸而裹於切之不蒸者難舂米

堅香氣經黍宜曬之令燥濕聚則凡黍粘者收薄糝味

美者亦收薄難舂雜陰陽書曰黍生于榆六十日秀

秀後四十日成黍生于己壯于酉長于戌老于亥死

于丑惡于丙午忌于丑寅卯糝忌于未寅孝經援神

契云黑墳宜黍麥尚書考靈曜云夏火星昏中可以

種

傷無實黍心初生畏天露令兩人對持長索概去其

露日出乃止凡種黍覆土鋤治皆如禾法欲踈於禾

踈黍雖科而米黃又多減及空令概雖不科而米白

且均熟不減更勝踈者汜氏云欲踈於禾其義未聞

崔氏曰四月蠶入簇時雨降可種黍禾謂之上時夏

至先後各二日可種黍蟲食李者黍貴也以上後魏

民要黍者暑也種者必待暑先夏至二十日此時有雨疆

土可種黍一畝三升黍心未生雨灌其心心傷無實

黍心初生畏天露令兩人對持長索概去其露日出

乃止凡種黍覆土鋤治皆如禾法欲踈于禾同上

黍似稌而黏可以為酒者也唐顏師古急就篇註

晉武帝時裴楷家炊黍在甑或變為螺其年楷卒五行記

冬至之日薦黍糕先薦玄冥以及祖禰其進酒者及

謁賀君師耆老如正日崔寔四民月令

尚書君陳曰我聞曰至治馨香感於神明黍稷非馨

明德惟馨

又盤庚曰若農不服田畝罔有黍稷

尚書大傳曰夏昏火中可以黍稷

毛詩曰黍離閔宗周也彼黍離離彼稷之苗行邁靡

靡中心搖搖

韓詩曰黍離百邦作也彼薛告注曰詩人求己況不

為稷

又甫田曰今適南畝或耘或耔黍稷薿薿

又魚藻黍苗曰芄芃黍苗陰雨膏之

儀禮婚禮曰贊設黍于醬東

又特生饋食禮曰佑食搏黍授祝祝以授尸

禮記月令曰仲夏之月農乃登黍

又曲禮曰黍曰薌合

又內則曰羊宜黍豕宜稷

左傳昭公曰其藏冰也黑牡秬黍以享司寒杜預注曰黑牡

秬黍也司寒北方玄冥之神也反物皆用黑有事於外故祭其神以上黍

春秋佐助期曰黍神名侂倭蘭郝

春秋說題辭曰精移火轉生黍夏出秋改杜預注曰云春夏故

移也農書曰黍之言暑也必須暑改得陰乃成也

黍者緒也故其立字禾入米為黍酒以扶老為酒以序尊卑

且禾為柔物亦宜養老也

爾雅曰秬黑黍秠一稔二米郭璞注曰秬亦黑黍但衆米異耳漢和帝時任

城生黑黍或二四實一黍二米得黍三斛八斗是也

謹按秬當作秬注同

史記封禪書曰管仲說桓公曰古者封禪鄗上黍所

以為成應邵注曰鄗上山也音曜

謹按藝文類聚者作之上作王成作盛

漢書曰冀洲民五男三女畜宜牛羊穀宜黍稷

後漢書曰承宮遭天下喪亂遂將諸生避地漢中後

與妻子之家陰山肆力耕種禾黍將熟人有認之者

官不與計推之而去由是顯名

機謹按淵鑑類函家作蒙木作其

晉書曰劉聰時河東天蝗唯不食黍豆靳准率部人收而埋之哭聲聞於十餘里後乃鑽土飛出後食黍豆平陽飢甚

崔鴻十六國春秋前秦錄曰苻堅讌羣臣於釣臺祕書侍郎趙整以堅頗好酒因為酒德之歌曰獲黍西秦採麥東齊春封夏發鼻納心迷

機謹按淵鑑類函無祕書侍郎四字

隋書曰李士謙隱居有牛祀其田者士謙率至涼處飼之過於本主望見盜刈其禾黍者默而避之其家僮嘗執盜粟者士謙慰諭之曰窮困所致義無相責遽令放之

又曰李士謙自以少孤未嘗飲酒食肉口無殺害之言至於親賓來萃輒陳俎豆對之危坐終日不倦李氏宗黨豪盛每至春秋二社必高會極歡無不沉醉誼亂嘗集士謙所盛饌盈而先為設黍謂羣從曰孔子稱黍為五穀之長荀卿亦云食先黍稷古人所尚

客可違乎少長肅然不敢弛惰退而相謂曰既見君子方覺吾徒之不德也士謙聞而自責曰何乃為人所踈頓至於此

唐書曰德宗以中和節令文武百進農書獻種種及是百寮始進兆人本業三卷司農獻粟及黍各一斗

機謹按淵鑑類函種字下無種字及黍下無各字韓子曰韓昭侯之時黍種嘗貴甚昭侯令人粟廩吏果竊黍種糶之

機謹按藝文類聚淵鑑類函貴字下有斟有二字無甚字粟字作覆廩二字糶字上有而字

山海經曰廣都之野後稷葬焉爰有膏黍膏稷

機謹按藝文類聚後作后

又曰魚山有人一目是少昊子食黍

韓子曰吳起攻秦小亭停一車轅北門外令曰能徙此於南門外者賜上田上宅及有徙者賜如令俄又置一石赤黍東門外令曰能徙此於西門外者賜如初民爭徙之乃下令曰攻亭能登者任之大夫賜之

上田上宅於是攻之一朝而拔

淮南子曰冬三月天子衣黑衣乘玄駱駘鵠 食黍

與菑黍菑小類耳

機謹按淵鑑類函冬三月作孟冬之月玄作元無

駘鵠二字

又曰三代積德而王齊桓繼絕而霸故樹黍者無不獲稷樹恩者無不報德

又曰渭水多力而宜黍

淮南萬畢術曰取門冬赤黍漬以狐血陰乾之欲飲

酒取一九置舌下酒吞之令人不醉門冬赤黍意以爲丸令婦人不妬

白虎通曰清明風至則黍稷滋門門風至則種宿麥黍

抱朴子曰張子和丹法用鉛朱砂曾清水合封之蒸之於赤黍米中也

紀年書曰惠成王八年雨黍

國語曰子餘使公子賦黍苗黍苗小雅其詩曰芄芃子餘曰重耳之仰君也若黍苗之仰陰雨也若君實庇陰膏澤

之使能成喜穀薦在宗廟君之力也在宗廟為祭主

機謹按淵鑑類函曰字下有秦伯賦采菽五字喜

作嘉

家語曰孔子侍坐於哀公賜之桃與黍 哀公諸用之孔子先食黍而後桃其左右皆掩口而笑之公曰黍者所以雪桃非為食也孔子對曰丘知之矣然黍者五穀之長郊社宗廟以為上盛果屬有六而桃為下祭祀不用不登郊廟丘聞之君子以賤雪貴不以貴雪賤也今以五穀之長雪五果之下者從上雪下

也臣以為妨於教害於義故不敢公曰善

呂氏春秋曰得時之黍芒莖而微下穗芒以長搏采而薄糠舂之易而食之不噉北縣切而香如此者不餽

過音先時者大本而華莖殺而不遂遂長葉高短穗後時

者小莖而麻長短穗而厚糠小米令而不香今新也

機謹按天中記引呂覽搏采之采作米葉高之高

作藁

又曰今以百金與搏黍以示兒子兒子必取搏黍也以和氏之璧與百金以示鄙人鄙人必取百金矣

又曰飯之美者南海之秬

揚泉物理論曰梁者黍稷之總名

崔寔四民月令曰四月可種黍謂之上時

汜勝之書曰黍者暑也種必待暑先夏至二十日此時有雨強土可種黍畝三升黍心未生雨灌其心心傷無實凡種黍皆如禾欲疏於禾

機謹按事言要玄二十日作三十日

禰衡別傳曰十月朝黃祖在艤衡舟上會設黍臠衡年少在坐黍臠至久自飽食畢搏以弄戲其輕慢如

此

機謹按淵鑑類函久作先

劉向別錄曰言鄒衍在燕有谷地美而寒不生五穀鄒子居之吹律而溫至生黍到今名黍谷焉

列女後傳曰東平衡農師大尉薨農欲奔赴無糧自致妻願從行行之止紡績庶以自資行至聚亭遇天霖雨留獨母舍母舍後有空園農曰此園可以種黍從求分種之獨母曰此久廢園唯恐生劣手不多耳何分之有乎農遂與妻斬荆棘種之黍將熟獨母曰

乃更曰黍當分農欲委去妻曰不如收歛以示之安其意然後乃去農遂從之後還獨母以昔黍歸農遂有取

機

謹按淵鑑類函手作收曰乃二字作改一字

說文曰秬黑黍也一稔二米所以醱鬯也黍水屬黏者以大暑而種故謂之黍孔子曰可以為酒

廣雅曰粢黍也黍穰謂之稊

崔豹古今注曰宣帝元康四年長安雨黑黍粟如禾和帝元興元年黑黍穗一禾二實或三四實生任城

得粟三斛八斗以薦宗廟

廣志曰有牛黍有稻尾秀成赤黍有馬革大黑黍或

云秬黍有温屯黃黍有姬亡燕鴿之名

吳氏本草曰黍神農甘無毒七月取陰陽益中補氣

機謹按淵鑑類函無神農二字

京房易妖占曰天與黍粟大人出走

荆楚歲時記曰十月十一日黍臙俗謂之秦歲首未


詳黍臙之義今北人此日設麻羹豆飯當為其始熟

當新耳以上大平御覽

機 謹按淵鑑類函始作黍


黍禾屬而黏者也以大暑而種故謂之黍從禾雨省聲孔子曰黍可為酒禾入水也然則又以禾入水三字合而為黍不但從雨而已黍以大暑而種故農家以三月上旬為上時四月上旬為中時五月上旬為下時然月令仲夏之月農既登黍矣天子以雛嘗黍羞與含桃先薦寢廟為鄭說者以為黍非新成直是舊黍蓋以鄭解孟秋所登之穀為黍稷故以仲夏為未熟若其未熟何得言登且所謂舊黍者自去歲孟

冬與菰併食數月於此矣豈待今而後嘗耶黍固有早晚者不妨至孟秋始熟故庶人秋乃薦黍此天子之禮自重其先熟者而嘗薦之耳故蔡邕以為今之蟬鳴黍亦猶十月獲稻而天子所嘗乃九月熟者謂之半夏稻亦其類也黍之秀特舒散故說者以其象父為南方穀詩亦云芄芃黍苗以此也又云彼黍離離彼稷之苗者黍大體似稷故古人併言黍稷今人謂黍為黍稷行役之人有憂於內則有不察於外於此或不能辨也黍有赤黍黑黍黑黍已別見藁稱赤



苗恐是赤者其有黏不黏如稻之有粳糯其不黏者以爲飯黏者別名秬以爲酒說文秬稷之黏者即謂此也月令造酒命大酉秬稻必齊蓋以此秬與稻之糯爲酒北州人謂秬爲黃米亦謂之黃糯釀酒比糯稻羞劣黍之爲物黏而香故凡香之馨馥黏之黏戶切和尼質切皆從之又古人作履黏以黍米謂之黎其雪桃亦用黍以黍黏去桃毛也孔子先食黍以黍爲五穀之先桃爲五果之下故捨不用耳黍又擣以爲餈謂之餈餽楚辭曰秬糗蜜餌有餈餽言以蜜和

米粳煎熬作秬糗又有美餈衆味甘且也及屈原死楚人以菰葉裹黍祠之謂之角黍宋羅願爾雅翼黍本艸丹黍爾雅云秬黍秬一稔二米秬是黑黍之有二米者黍之糯者謂之秬一名黃糯宋鄭夾漈通志獵奇晉醉客云麥熟頭昂黍熟頭低麥皆熟是以低昂此雖戲語然古人造酒理蓋如此黍稻之出穗也必直而仰其熟也必曲而俯麥則反是此陰陽之物也北方之稻不足於陰南方之麥不足於陽故南方無嘉酒者以麴麥雜陰氣也又況如南海無麥而用米



作麴邪吾嘗在京師載麥百斛至錢塘以踏麴是歲
官酒比京醞而北方造酒皆用南米故當有善酒吾
昔在高密用土米作酒皆無味今在海南取船上麴
作麴則酒亦絕佳以此知其驗也黍麥說○蘇東坡文集
陶潛為彭澤令公田皆令種黍酒熟以頭上葛巾漉

之宋竇革酒譜

陶隱居云荊郢州及江北皆種此其苗如蘆而異於
粟粒亦大粟而多是秠今人又呼秠粟為黍非也北
人作黍飯方藥釀黍米酒則皆用秠黍也又有稌米

與黍米相似而粒殊大食不宜人言發宿病唐本注
云黍有數種已備注前條今此通論丹黑黍米爾亦
不似蘆雖似粟而非粟也稌即稷也其釋後條臣禹
錫等謹按孟詵云黍米性寒患鼈瘕者以新熟赤黍
米淘取泔汁生服一升不過三兩度愈謹按性寒有
少毒不堪久服昏五藏令人好睡仙家重此作酒最
勝餘粮又燒為灰和油塗杖瘡不作癩止痛不得與
小兒食之令不能行若與小貓犬食之其腳使跼曲
行不正緩人筋骨絕血脉嘉祐補註本草

食療云合葵菜食之成痼疾於黍米中藏乾脯通食
禁云牛肉不得和黍米白酒食之必生寸白蟲宋唐
慎微

證類
本草

按許慎說文云黍可為酒從禾入水為意也魏子才
六書精蘊云禾下從余象細粒散垂之形汜勝之云
黍者暑也待暑而生暑後乃成也詩云誕降嘉種維
秬維秠維糜維芑糜即釀音轉也郭璞以釀芑為梁
粟以秠即黑黍之二米者羅願以秠為來牟皆非矣

明李東璧
本草綱目

黍乃稷之粘者亦有赤白黃黑數種其苗色亦然郭
義恭廣志有赤黍白黍黃黍大黑黍午黍燕領馬革
驢皮稻尾諸名俱以三月種者為上時五月即熟四
月種者為中時七月即熟五月種者為下時八月乃
熟詩云秬鬯一卣則黍之為酒尚也白者亞於糯赤
者最粘可蒸食俱可作飭古人以黍粘履以黍雪桃
皆取其粘也菰葉裹成糗食謂之角黍淮南萬畢術
云獲黍置溝即生蟻螯蘓頌曰粘者為秠可以釀酒
北人謂為黃米亦曰黃糯不粘者為黍可食如稻之

有稷糯也此誤以黍為稷以秫為黍也蓋稷之粘者為黍粟之粘者為秫稷之粘者為糯別錄本文著黍秫糯稻之性味功用甚明而註者不諳往往謬誤如此今俗不知分別通呼秫與黍為黃米矣上同

黍米此通指諸黍米也上同
按羅願云黍者暑也以其象火為南方之穀蓋黍最粘滯與糯米同性其氣溫暖故功能補肺而多食作煩熱緩筋骨也孟氏謂其性寒非矣上同
黍禾屬而黏音拈從禾雨省聲孔子曰可以為酒禾入

水也徐曰此秫音述黍也黍為五穀之先孟子謂貉地五穀不生惟黍生之詩緝云黍有二種黏者為秫可釀酒不黏者為黍如稻之有杭音更糯也又秬音舉黑黍也音門赤黍也爾雅翼云禾之秀特舒散象火為南方之穀黍大抵似稷故古人併言黍稷今人謂之黍祭音祭○明牛表埤雅廣要

黍爾雅曰秬黑黍秬一稔二米郭璞曰秬亦黑黍也說文曰黍可為酒從禾入水為意汜勝之曰黍暑也當暑也而生暑後乃成也雜陰陽書曰黍生于榆六十秀秀後六十日成王禎曰詩云維秬維秠秬黑黍也又曰秬鬯一自此言黍之為酒尚矣今有赤黍米黃而黏可蒸食

白黍釀酒亞於糯秫又北地遠處惟黍可生其莖穗
瓜小可以釀酒又可作饌粥黏滑而甘此黍之有補
于難食之地也凡祭祀以之為上盛貴其色味之美
也廣志有赤黍白黍黃黍大黑黍牛黍燕領馬革
驢皮稻尾濕屯黃
田堰亡鶯鴿之名

齊民要術種黍法曰凡黍稷田新開荒為上大豆底
為次穀底為下地必欲熟再轉乃佳若春夏耕一畝
者下種後再勞為良
用子四升三月上旬種者為上時四月上旬為中時
五月上旬為下時夏種黍稷與植穀同時非夏者大
率以耨赤為候燥濕候黃場種訖不曳耨常記十月
十一月十二月凍樹日種之萬不失一
凍樹者凝霜
封著木條也

假令月三日凍樹還以月三日種黍他皆倣此十月
凍樹宜早黍十一月凍樹宜中黍十二月凍樹宜晚
黍若從十月至正月皆苗生隴平即宜耙勞鋤三遍
凍樹者早晚黍悉宜也
乃止鋒而不耨苗晚耨即
多折也刈黍欲早刈黍欲晚耨晚
多零
落黍早米不成多
曰稔青喉黍折頭皆即濕踐之久積則沍鬱操踐多
免牟稔踐訖即蒸而裹之不蒸者準春米至春又土
臭蒸則易春米堅香氣經
亦收薄難春孝經援神契曰黑墳宜黍麥尚書考靈
曜云夏火星昏中可以種黍汜勝之書曰先夏至二
十日此時有雨疆土可種黍一畝三升黍心未生雨

灌其心心傷無實凡種黍覆土鋤治皆如禾法欲疎

於禾疎黍雖科而米黃又多減及空令概雖崔氏曰

四月蠶入簇時雨降可種黍禾夏至先後各二日可

種黍蟲食李者黍貴也明徐光啓農政全書

黍一名秬黍黑一名秠一科二米種植苗穗與稷同宜肥地

多收說文云黍暑也當暑而生暑盡而獲六書精蘊

云禾下從余象細粒散垂之形有黃白黎三色米皆

黃比粟微大北人呼為黃米屬火南方之穀性溫益

氣補中久食令人多熱小兒忌食他如牛黍燕領馬

革驢皮稻尾大黑黍成赤黍皆黍之異名也刈後乘

濕即打則稭易脫遲則稭著粒上難脫明王蓋臣羣芳譜

黍穀名禾屬而黏者也以大暑而種故謂之黍苗似

蘆高丈餘穗黑色實圓重似粟而非粟以大暑而種

今農家以三月上旬為上時四月上旬為中時五月

上旬為下時然月令仲夏之月農既登黍矣黍固有

早晚其晚者不妨至孟秋始熟故庶人秋乃薦黍是

也其大體亦似稷古人併言黍稷今人謂黍稷相似

不能辨也明吳元化毛詩草木攷

黍穀名苗似蘆高丈餘穗黑色實圓重明胡文煥氏詩識

黍一曰赤黍一曰藟一曰糜一稔二米曰秬宋書謂王者宗廟修則出白黍曰芑黑黍曰秬詩維秬維秠維糜維芑是也許氏說文云黍可為酒從禾入水為義也汜勝之及羅願云黍者暑也待暑而後成也甘溫無毒主益氣補中肺之穀也肺病宜食之蓋黍最粘滯與糯米同性其氣溫暖能補肺然多食作煩熱緩筋骨小兒多食則脚弱行遲合葵菜食成痼疾合午肉白酒等食生寸白蟲長石曰芑白黍無疑矣毛

詩薄言采芑豐水有芑註謂苦蕒菜則芑不專指黍也

宋長石飲食書

種黍稷新開豆田為上一畝用子四升春分前後宜用灰土和子種頻鋤三五顆作一叢書曰黍心未生雨灌其心心傷無實黍心初生畏天露次日早用糝麻散拴長繩上令兩人對持於黍上牽拽抹去其霧則不傷黍刈稭欲早黍欲晚諺云稭青喉黍折頭黍稭熟時炊飯又可釀酒擣碎蒸糕以備食用春後皆

可種法天生意○明盧翰月令通攷

庶物類纂
卷之十四

庶物類纂穀屬卷之十四目次

黍

庶物類纂
卷之十四

穀屬目次

蘇物類聚
卷一

穀屬
黍

黍

蘇物類聚
卷一

穀屬
黍

麻物類考卷之四

黍

黍為五穀之先故孔子先食黍黍以大暑而種故字聲從
南方之穀月令仲夏天子以雛嘗黍羞與含
挑先薦寢廟鄭說以為舊黍也明范貞一典籍便覽
餽餽黍擣之為餽謂之餽餽楚人以菰葉包黍祠屈
原謂之角黍同上

枕中記開元七年道士呂翁者得神僊術行邯鄲道
中息邸舍隱囊而坐俄見少年盧生衣短褐乘青駒
亦止邸中與翁言笑盧生顧其衣裝故壞乃歎曰大

燕物類考卷之四 穀屬 黍 二

丈夫生世不謂困如此也。翁曰：子諧諧方適而歎其困，何也？生曰：吾常志于學，自惟青紫可拾，今已過壯，猶勤畎畝，非困而何？言訖而目昏思寐。時主人方蒸黍，翁乃探囊中枕以授之，曰：子枕吾枕，當令子榮適如志。其枕青甃而竅其兩端，生俛首就之，見其竅漸大明，朗乃舉身而入。遂至其家，數月娶清河崔氏女，女容奇麗，生資愈厚。明年舉進士，登第釋褐，轉渭南尉。俄遷監察御史，轉起居舍人，知制誥。三載出典同州，遷陝牧，移節并州，領河南道採訪使，徵爲京兆尹。

是歲武皇帝方事戎狄，除御史中丞、河西道節度使，大破戎虜，歸朝冊勲，恩禮極盛。轉吏部侍郎，遷戶部尚書兼御史大夫，爲時宰所忌，以飛語中之。貶瑞州刺史。三年徵爲常侍，未幾同中書門下平章事。

將交結圖不軌，下制獄中，官爲保之，減死投驢。州數年，帝知寃，復進爲中書令，封燕國公。生五子，有孫十餘人。後以年逾八十病薨，盧生欠伸而寤，見其身方偃於邸舍。呂翁坐其傍，二人蒸黍未熟，生蹶然而興，曰：豈其夢寐也？耶翁謂生曰：人世之適亦如是。

矣生憮然良久謝曰夫寵辱之道窮達之運得喪之
理死生之情盡知之矣此先生所以窒吾欲也敢不
受替首再拜而去明唐荆川稗編

廣志有濕屯黃黍有田黍塹亡鶯鶻之名 齊民要

術今俗有鶯字一黍半夏黍 博雅黍穰謂之稊

詩小序華黍時和歲豐宜黍稷也 禮記曲禮黍曰

薌合疏黍曰薌合者夫穀秠者曰黍秠既軟而相合

氣息又香故曰薌合也 周禮天官羊宜黍疏羊宜

黍者羊味甘熟黍味苦温甘苦相成故云羊宜黍

左傳其藏之也黑牡秬黍以享司寒 國語黍而不

黍不蕃庶 山海經廣都之野后稷葬焉爰有膏黍

膏稷註言味好滑如膏 驪頭之國維宜芑芑穆楊

是食註芑黑黍今字從黍 古今注和帝元興元年

黑黍穗一禾二實或三四實生任城得粟二斛八斗

以薦宗廟 博物志黑墳宜麥禾 紀年書惠成王


八年雨黍 文中子藝黍登場歲不過數石以供祭

祀賓客之酒也 談藪王元景大醉揚遵彥曰何低

昂 農桑通訣秬鬯一占此言黍之為酒尚矣今有

赤黍米黃而黏可蒸食白黍釀酒惡於糯秫又北地
遠處惟黍可生其莖穗低小可以釀酒又可作饌粥
黏滑而甘凡祭祀以為上盛貴其色味之美也 齊
民要術凡黍稷田新開荒為上大豆底為次穀底為
下地必欲熟再轉乃可若春夏耕一畝用子四升三
月上旬種者為上時四月上旬為中時五月上旬為
下時夏種黍稷與植穀同時非夏者大率以耨赤為
候諺曰耨離燥濕候黃場種訖不曳耨常記十月十
一月十二月凍樹日種之萬不失一凍樹者疑霜封
著木條也假令

月三日東樹還以月三日種黍他皆倣此十月凍樹
宜早黍十一月凍樹宜中黍十二月凍樹宜晚黍若
從十月至正月皆凍樹者早晚黍悉宜也 苗生隴平即宜把勞鋤三遍乃
止鋒而不耩苗晚耩即刈黍欲早刈黍欲晚黍晚多
零落黍
早米不成皆即濕踐之黍踐訖即蒸而裹之不蒸者難春
米堅香氣經
亦收薄難春 雜陰陽書曰黍生於榆六十日秀秀
後四十日成黍生於己壯於酉長於戌老於亥死於
丑惡於丙午忌於丑寅卯稌忌於未寅孝經援神契
云黑墳宜黍麥尚書考靈曜云夏火星昏中可以種




黍菽 汜勝之書曰種黍必待暑先夏至二十日此時有雨疆土可種黍一畝三升黍心未生雨灌其心
心傷無實黍心初生畏露令人對持長索槩去其露
日出乃止凡種黍覆土鋤治皆如禾法欲疎於禾按
疎黍雖科而米黃又多減及空今概雖不科而米黃
且均熟不減更勝疎者汜氏云欲疎於禾其義未聞
崔氏曰四月蠶入簇時雨降可種黍蟲食李者黍

貴也 佩文齊廣 羣芳譜

黍稌 味甘微寒能補脾胃養五臟 陶弘景曰稌米與黍米相似而

粒殊大李時珍曰黍有赤白黃黑數種春分前後將
灰土和子種之黍心初生畏露每早將苧麻散絰長
繩上令兩人對持于黍上牽拽抹去其露陳藏器曰
稷稌一物也惟祠事用之諺云刈黍欲早刈稌欲晚
黍可釀酒稌可作飯李時珍曰稷為五穀之長而屬
土故祠穀神者以稷配社 清石巖逸叟增 定致富奇書
機 謹按清周玉鳧農圃六書同
按瀕湖云黍即稷之粘者稷與黍一類二種也稷黍
之苗似粟而低小有毛結子成枝而殊散其粒如粟



而光滑三月下種五六月可收亦有七八月收者其
 色有赤白黃黑數種黑者禾稍高今俗通呼為黍子
 不復呼稷矣 據瀕湖所說今不分稷黍者比比矣
 且並黍與粟而莫之辨也即如註素問者指稷為小
 米而黍為糯小米夫粟米為小米如秫乃糯粟也即
 此觀之不如老農者不亦多乎哉 清劉若金
 本草述
 愚按瀕湖云黍有赤白黃黑數種其苗色亦然俱以
 三月種者為上時五月即熟四月種者為中時七月
 即熟五月種者為下時八月乃熟若然是則茲穀謂

其乘火氣之多不洵然歟乃為粘者與糯米同性是
 則溫而得滯謂食之無咎歟靈樞取黃黍宜於肺病
 固取其陽氣之發越如斯穀即應於如斯臟耳後學
 所云益氣補中蓋亦承此義也 同上
 凡糧食米而不粉者種類甚多相去數百里則色味
 形質隨方而變大同小異千百其名北人唯以大米
 呼粳稻而其餘槩以小米名之凡黍與稷同類梁與
 粟同類黍有粘有不粘 粘者
 為酒 稷有粳無粘凡粘黍粘
 粟統名曰秫非二種外更有秫也黍色赤白黃黑皆

有而或專以黑色為稷未是至以稷米為先他穀熟
堪供祭祀則當以早熟者為稷則近之矣凡黍在詩
書有藿芑秬秠等名在今方語有牛毛燕領馬革驢
皮稻尾等名種以三月為上時五月熟四月為中時
七月熟五月為下時八月熟楊花結穗總與來牟不
相見也凡黍粒大小總視土地肥磽時令害育宋儒
拘定以某方黍定律未是也清宋應星
天工開物
秬黍世宗時得秬黍於海州磬石於南陽 命扑堧
造編磬堧以蠟然成秬黍粒形差大積分成管以一

粒為一分累十粒為寸法以九寸為黃鍾之長三分
損益以成十二律製新磬二架以進世宗曰新磬得
正聲音清美但夷則一枚其聲不諧何也堧即審視
曰限墨尚在未盡磨也即磨之墨盡而聲乃諧東國
輿地
勝覽
黍稷辨良耜詩曰載筐及筥其饌伊黍鄭氏箋云筐
筥所以盛黍也豐年之時雖賤者猶食黍孔疏云少
牢特牲大夫士之祭禮食有黍明黍是貴也玉藻云
子卯稷食菜羹為忌日貶而用稷是為賤也賤者當

食稷耳黍離詩孔疏云黍言離離稷言苗則是黍秀稷未秀出車詩云黍稷方華二物大時相類但以稷比黍黍差爲早朱子詩傳云稷似黍而小爾雅云粢稷邢疏云左傳粢食不鑿粢者稷也曲禮云稷曰明粢是也郭注今江東人呼粟爲粢然則粢也稷也粟也正是一物而本草稷米在下品別有粟米在中品又似二物故先儒甚疑焉今按真定府志有粟有黍有稷而稷下注云土人以飯黍爲稷愚嘗合而觀之黍貴而稷賤黍早而稷晚黍大而稷小黍散而

稷穗聚稷卽粟也今俗所謂小米者稷也所謂黃米者黍也黍有粘有不粘不粘者飯黍也粘者釀酒之黍也其辨甚明自土人以飯黍爲稷而黍稷粟之辨遂淆然本草已分稷與粟爲二種則其相沿之訛非一日矣天啓時新城王象晉作羣芳譜近時江右張自烈作正字通亦皆指飯黍爲稷甚矣俗訛之難辨也真定府志輯於雷禮雷博物多聞一言而解先儒之惑善哉小雅甫田疏又云春官肆師注粢六穀也則六穀總爲粢天官甸師注粢稷也惟以稷爲粢者

以稷是穀之長為諸穀之總名愚按稷賤而小然為穀之長者以其多歟今土人獨指粟為穀豈非亦以其為穀之長而專此名歟稷之為粟更無疑矣靈壽春秋祭至聖先師以飯黍當稷而不用粟是無穀之長也可乎又稷有別種穗如狗尾草而味最美者謂之梁詩維糜維芑注云糜赤梁粟芑白梁粟是也朱子鴛羽詩注亦云梁粟類也明會典載祭先師用黍稷稻梁是此梁今或以高粱當之者亦非至若齊民要術云古者以粟為黍稷梁秫之總稱而今之粟在

古但稱爾雅翼曰梁者黍稷之總名皆謬論矣可疑者惟朱子詩傳謂黍苗似蘆高丈餘按黍苗無高丈餘者此似指高粱為黍然高粱雖有蜀黍之名乃別是一種非梁亦非黍也意朱子仍先儒之說而未改歟

靈壽縣志

黍从禾从雨夏穀也以三月上旬播種夏桃紅之時而黍先登故羞以含桃先薦寢重其首登也詩謂之秬黑黍也北人呼為烏禾一稔二米西方黍熟尤早故以四月八日即得薦廟今人但知食烏飯而不知

其所起也然則今人之言之行皆染飾矣黍亦謂之
稌一曰稌皆以供粢盛者鈴山縣志

黍樹高粒長稷相似而粒稍短土人不食聊種以充
祭品或曰此暑黍北人以飼牲口者非黍也常山縣志

黍稌凡有五色種類吾鄉止有黃稌植於高原其色如
蠟梁秫粟也爾雅曰藿門赤苗白苗郭璞註云藿

今之赤梁粟芑今之白梁粟莖葉如薏苡而高亦東
南鄉高原種之稔者穗直而疎而密然非所尚亦不

廣 徐宗伯玄扈告鄉里文時年庚戌水災近日水災低田

滄沒今水勢退去禾已壞爛凡我農人切勿任其拋
荒若尋種下秧時又無及六十日烏可種收成亦少
今有一法雖立秋後數日尚可種稻與常時一般成
熟要從鄰近高田買其種成晚稻雖耘耨已畢但出
重價自然肯賣每田二畝買他一畝間一科拔一科
將此一畝稻分蒔低田五畝多下糞餅便與常時同
熟其高田雖賣去一半用糞接力稻科長大亦一般
收成若禾長難蒔須揆去梢葉存根一尺上下蒔之
晚稻處暑後方做肚未做肚前儘好分種不妨成實

也若已經插時今被滄沒又無力買稻苗者亦要車去積水略令濕潤稻苗雖爛稻根在土尚能發生培養起來反多了稻苗一番肥壅儘能成熟前一法是江浙農人常用他們不惜幾石米買一畝禾至有一畝分作十畝時者後一法余常親驗之近年水利不修大湖無從洩瀉戊申之水到今未退所以一遇霖雨便能滄沒不然已前何曾不做黃梅性獨今年數日之雨便長得許多水來今後若水利未修不免歲歲如此此法宜共傳布之若時大旱到秋得雨亦用

此法不信問諸江浙客游者凶年饑歲隨意拋荒一畝地也間定餓殺一個人此豈細事願毋忽也松江府志 薯黍葉長大如蘆粒差大而色赤俗呼蘆黍即秬黍

臺灣府志

鴨蹄黍似鴨蹄故名同上

黍有紅白黎三色其最早者曰奪麥場真定府志

黍說文曰以大暑種故謂之黍其類有粘不粘如稻之有粳糯不粘者為飯粘者亦名秠以為酒古今注秠之粘者為黍蓋指此也又以禾入水三字為黍詩

芄芄黍苗禮記仲夏之月農乃登黍擣以為餈謂之餈餽楚辭曰拒粃蜜餌有餈餽汀州府志

成化年春初不雨至秋二日乃雨民始種黍及熟每穀二粒遂為豐年清源縣志

黍即大黃米也陶弘景曰黍異於粟粒亦大今人多呼稊粟為黍誤矣本草正誤曰稷之粘者為黍粟之粘者為稊稷之粘者為糯今俗不知通呼稊與黍為

黃米黍最粘可造酒作餈今奉錦二郡呼為大黃米亦以釀酒盛京通志

黍似稷穗疎散而下垂陽春縣志

黍其類有粘有不粘者可作酒漳浦縣志

黍即蘆稜有赤黑二色黑者名拒釀酒以供祭祀寧懷縣志


本草曰丹黍詩名物曰丹穀即夏登二種粘者為稊可作酒不粘為黍可作餌如稻之有稊糯耳封川縣志

黍出陽江有魚子狗尾二種肇慶府志

爾雅翼曰以大暑種故名曰黍性粘宜酒不粘者宜飯竹葉裏成糗謂之角黍磨麩蒸食謂之糕幾輔通志

說文曰以大暑種故謂之黍其類有粘不粘如稻之有粳糯不粘者為飯粘者亦名秫以為酒禮記仲夏之月農乃登黍擣以為餈謂之餈餽楚辭曰秬秠蜜餌有餈餽此漳州府志黍暑也當暑而生暑盡而獲為黃為白為黑黑黍絕少黃白二種通呼為粟多產山縣杭州府志黍有黃黍白黍紅黍長芒蘆粟灰條數種雲南通志禮記仲夏之月農乃登黍高六七尺粒圓色黃俗呼為番黍一名狗尾黍又○蘆黍俗名薯黍寧化志名

蘆粟高與黍葉如蘆粒差大於黍色赤有二種粘者可和秫作酒不粘者可作糕煮粥黔蜀間名高粱○鴨蹄黍以其穗似鴨蹄故名諸羅縣志赤黍曰蘆白黍曰芭黑黍曰秬一稔二米曰秠禾下余象細粒散垂之形六合縣志黍作食之外又可釀酒為餈新城縣志黍暑也詩名物云丹穀也其類有粘不粘如稻之粳糯不粘為飯粘者亦名秫以為酒古今註禾之粘者為黍以為餈謂之餈餽楚辭曰秬秠密餌有餈餽按



黍北人曰梁浙人曰粟泉中人有一種名稊粒似黍而小書

黍粟屬苗似蘆高丈餘穗大黑色毛長粒粗圓重光

滑以大暑種故名黍即菽梁禾稷南人謂之粟山東

人謂之高梁邑人呼蘆枝粟黏者為秫河北造酒用

之不黏者為黍赤釐白芑黑秬一稗二米秬尺成於

黍又大體似稷名黃米義烏縣志

秬黑黍中之一稗二米者古用釀酒以祭河間府志

黃黍南人竝稱粟古曰梁富陽縣志

黍有數種五色早晚不同曹風芄芄黍苗曹酒率用

此米曹縣志

黍味甘性溫肺之穀番禺縣志

黍有秬糯二種泉州府志

薯黍葉長大如蘆而粒大者呼蘆黍即秬黍也同上

黍禾屬黏者酒米有黑黍黃黍白黍以之釀曰秬鬯

黑為上餘次之遵化州志

黍稌穀也狀與稷同名黃米河北造酒用之有數種

淮安府志

黍狀類稷而黏河北造酒多用之有數種縣志

黍結穗如稻散垂而不毛者是也其似盧而粒差大

者北人謂之黍葛龍巖縣志

黍樹高粒長稷相似而粒稍短土人不食聊種以充

祭品或曰北人所謂薯黍者是也衢州府志

薯黍黍比稷差大俱謂之黃米白者曰梁臨俱無產

薯黍莖大而葉高丈許臨川縣志

黍簋實之一俗用為糕釀酒尤美陽信縣志

黍樹高粒長與稷相似而粒稍短幹葉可代薪土人

不食聊種以充祭品或淘浸磨漉為餠餌亦佳即北

人所謂薯黍是也西安縣志

黍似稷而實圓有黑白二色律呂疏曰上黨羊頭山

黍用中等者可以準律光州志

古今注曰稻之粘者為秫禾之粘者為黍

春秋說題辭曰精移火轉生黍夏出秋改黍者縮也

故其立字禾入米為黍酒以扶老

詩曰彼黍離離彼稷之苗行邁靡靡中心搖搖

又曰或耘或耔黍稷薿薿

又曰芄芄黍苗陰雨膏之

禮記曰凡祭宗廟黍曰薌合稷曰明粢

又曰羊宜黍豕宜稷

又儀禮昏禮曰贊設黍於醬東

國語曰黍稷垂成不能為榮黍而不能蕃庶稷

而不能蕃殖

淮南子曰涓水多力而宜黍

齊民要術曰夏種黍稷與殖穀同時非夏者大率以

蕞赤為候諺曰蕞離離種黍時下種以樹介田為宜

樹介者疑霜封著木條十月樹介宜早黍十一月樹

介宜中黍十二月樹介宜晚黍

家語曰孔子侍坐於魯哀公設桃具黍哀公曰請用

仲尼先飯黍而後噉桃左右皆掩口失笑公曰黍者

非飯之也以黍雪桃也孔子對曰丘知之矣夫黍者

五穀之長也郊社宗廟以為上盛果屬有六而桃為

下祭祀不用不登郊廟丘聞之也君子以賤雪貴不

聞以貴雪賤今以五穀之長雪果蔬之下是侵上忽

下也

韓子曰韓昭侯之時黍種嘗貴豈有昭侯令人覆稟
吏竊黍種而糶之

襄陽記曰司馬德操嘗造龐德公植其渡沔上先人
墓徑入上堂呼德公妻子速使作黍

竹林七賢論曰阮咸兄子簡亦曠達自居居大喪行
遇大雪寒凍遂詣浚儀令令為他賓設黍臠簡又食

之以致清儀頓廢三十年

已上淵
鑑類函

